



## 澎湖的大自然

澎湖縣擁有大大小小 64 個島嶼，大多數無人踏。天人菊是澎湖的縣花，當地人講做是野菊仔花，1910 年代才對中南美洲引進來澎湖試種，想袂到伊袂驚遮焦燥的塗壤恰大風，佇每年的 3 到 11 月擺開花開甲不止仔奢颺，會使講是大自然誠美妙的四配，澎湖嘛才有「菊島」的名號。另外，逐年中秋一下過，東北片吹來的季節風誠透，有時若像咧做風颺，致使嘛有「風島」的名號。啊風都遐爾透，是按怎以早澎湖在地人哪會共伊稱呼做「平湖」呢？原來澎湖的內海仔是無風無湧平波波，湖面若像鏡遐爾平的緣故。

澎湖的大風雖然對在地人的日常生活恰觀光事業誠不利，毋過有用來做風力發電，所以澎湖擺袂欠電。以早為著欲減輕大風的災害，有種麻黃仔的防風林。2000 年代初期，我捌受當時一位農政官員的邀請，恰伊同齊去遐參觀當地的造林工課。阮有一个初步的觀察，就是原本的樹種木麻黃已經漸漸退化去矣，可能是樹種傷單純化的關係。同時嘛發現遮有種「細葉南洋杉」這種新的外來樹種，大了袂稔，未來可能有發展的空間。

最近，閣有一个機會去澎湖，做較全面性的觀察，發現「細葉南洋杉」的造林成果有影誠成功，全縣公路兩片，差不多擺是種這款樹種，樹樣青翠閣幼秀，樹形嘛誠嬌，共公路裝嬲甲嬌噹噹。毋過，根據大自然的原則，樹林應該是多元性的。傷過單純的物種是無合自然的原則的，特別是一種外來的新樹種，萬一將來若有一種新的病蟲害，恐驚見會造成大的災難，有需要考慮多元化的問題，加入一寡其他適合的樹種，嘛會當予當地的林相較安全。

作者：陳憲國

---

### ☆詞彙學習☆

【焦燥】ta-sò：乾燥

【麻黃仔】muâ-hông-á：木麻黃

【不止仔】put-tsí-á：相當、非常

【大了袂稔】tuā liáu bē-bái：生長得不錯

【四配】sù-phuè：匹配、登對

【裝嬲】tsng-thānn：裝飾

### ☆文法學習☆

【恐驚見】：這裡的「見」字實際語音為「e」，「見(kinn)」是其原始的形式，做為動詞的補語。因為僅具語法功能，在使用的過程中逐漸虛化，音讀也發生改變，口語中僅存「e」的音。另外如「聽見講伊會來」、「看見人有伊嘛欲」、「驚見揣無人」等當中的「見」字，都是同樣的情況。